



# Kòrsou tei wapa den bon

**Rumichel "RumiMarch" Marchena**

**(NOOT: Koro ta rechts/kanta ta links)**

Koro: Si mi hasi bon ku bo.  
Bo hasi bon ku ne.  
Si nos hasi bon ku otro.  
Pas lo prevalese.

Pesei Kòrsou tei keda  
Wapa bai dilanti.  
Wapa den viktoría.

Koro: Wapa den bon.  
Koro: Wapa den bon.  
Koro: Wapa den bon.

Mane' simiya ta hasi bon ku tera.  
Nos komo pueblo, tinku hasi bon ku otro.  
Ta nos deber, i promesa n'e bandera.

Ban duna di nos parti p'asina e isla prospera.

Koro: Laga nos uni forsa, p'asina triumfa.

Pone problema 'n banda p'asina lucha pa Kòrsou.

Koro: He ban sigui karga ku trabou.

He den bon, den bon nos ta wapa bai.  
Fedjai a proklam'é.  
Dios su man ta riba nos kabes.  
Hasi bon ku bo bisiña.  
Hasi bon ku bo ruman.

Koro: Den bon, den bon nos ta wapa bai  
Koro: Kòrsou kompletu tei wapa den bon.  
Koro: Den bon, den bon nos ta wapa bai.

Awe Kòrsou kompletu tei wapa den marcha di viktoría.

Koro: Kòrsou kompletu tei wapa den bon.



Pesei Kòrsou tei keda  
Wapa bai dilanti.  
Wapa den viktoría.

Koro: Wapa den bon.  
Koro: Wapa den bon.  
Koro: Wapa den bon.

Ta lei di universo eta.  
Aprobá pa papa Dios.

Koro: Si bo hasi bon ku otro.  
Bon ta bin pabo.

Nos tinku siña pordona.  
Semper Duna bon ehempel.  
Pa Kòrsou por progresa.

Koro: Pa nos pueblo eksela.  
Nos tinku hasi (bon)}5X

Koro: Si mi hasi bon ku bo.  
Bo hasi bon ku ne.  
Si nos hasi bon ku otro.

He Kòrsou.

Koro: Kòrsou tei wapa den bon.

Hee Kòrsou tei keda.

Koro: Wapa den bon.

Den nòmber di viktoría i den union Kòrsou ta.

Koro: Keda wapa den bon.  
Wapa den bon. (Continues).

Hee Kòrsou tei keda.  
Wapa den viktoría.  
Keda wapa den gloria.  
Kòrsou tei marka historia.  
Wapando den eforía.  
Tur hende bon ku otro.  
Tur hende brasa otro.



Simiya bon plantá.  
T'un kosecha sigurá  
Planta pasenshi den tur skina.  
Amor pa bo bisiña.  
Hasi bon ku otro.  
Kòrsou ban stima otro.  
Mi pueblo brasa otro.  
Alegria ta reina.  
Harmonia ta reina.  
Est'un dushi esfera.

Koro: Wapa den (bon)}X5  
Kòrsou tei wapa den bon.

He na nòmber di kultura, deklara pas rib'e luga.

Koro: Wapa den (bon)}X5  
Kòrsou tei wapa den bon.

He Kòrsou awor ta ora pa tene man di-  
bo ruman.  
Ban forma e kadena di union.  
Tur hende ban hisa man na laira.  
Nos ta wapa bai.  
Ku man na laira.  
Kòrsou kompletu.

Koro: Tene man di bo ruman.  
Koro: Tene man di bo ruman.  
Koro: Den bon, den bon.  
Koro: Den bon, den bon.  
Koro: Den bon, den bon.  
Koro: Den bon, den bon.

Koro: Keda wapa den bon.  
Wapa den bon. (continues)

Nos ta sigui wapa.  
Nos ta sigui wapa.  
K'e diferensha di kunuku.

He Bena Mayó.  
He Kòrsou kompletu.